

## Awdurdod Gweithredol Iechyd a Diogelwch

### Rheoliadau Gweithio ar Uchder 2005

Canllaw cryno

Yn 2003/04 roedd cwmpo o uchder yn gyfrifol am 67 o ddamweiniau angheuol yn y gwaith a bron i 4000 o anafiadau difrifol. Dyma yw'r achos unigol mwyaf o farwolaethau yn y gweithle o hyd ac un o'r prif achosion o anafiadau difrifol.

Mae'r daflen hon wedi'i hysgrifennu ar gyfer cyflogwyr, pobl hunangyflogedig ac unrhyw un sy'n gweithio ar uchder. Mae'n dweud wrthy ch beth sydd angen i chi ei wneud i gydymffurfio â Rheoliadau Gweithio ar Uchder 2005. Mae'r Rheoliadau'n berthnasol i bob gwaith ar uchder lle mae risg o gwmpo a fyddai'n achosi anaf personol.

### Defnyddio'r wybodaeth hon

- 1 Mae'r daflen hon yn crynhoi'r hyn y mae'n rhaid i chi ei wneud i gydymffurfio â Rheoliadau Gweithio ar Uchder 2005. Efallai y bydd rhai cymdeithasau diwydiant/masnach wedi cynhyrchu canllawiau manylach am weithio ar uchder. Gallwch hefyd gael mwy o wybodaeth ar wefan HSE.
- 2 Mae'r daflen wedi'i hysgrifennu fel y gellid ei defnyddio, yn y rhan fwyaf o achosion, heb gyfeirio at y Rheoliadau. Fodd bynnag, gallai fod yn ddefnyddiol cael y Rheoliadau wrth law os bydd angen rhagor o wybodaeth arnoch.

### Pam mae'r rheolau hyn yn bwysig?

- 3 Gwnaed y Rheoliadau hyn er mwyn atal marwolaethau ac anafiadau a achosir bob blwyddyn oherwydd cwmpo yn y gwaith.
- 4 Maent yn disodli'r holl rheoliadau cynharach am weithio ar uchder. Mae Rheoliadau Gweithio ar Uchder 2005 yn cyfuno deddfwriaeth flaenorol ar weithio ar uchder ac maent yn gweithredu Cyfarwyddeb 2001/45/EC y Cyngor Ewropeaidd yn ymwneud ag isafswm y gofynion diogelwch ac iechyd ar gyfer defnyddio offer i weithio ar uchder (y Gyfarwyddeb Gweithio ar Uchder Dros Dro).

### Beth yw 'gweithio ar uchder'?

Rheoliad 2

5. Mae lle 'ar uchder' os (oni ddilynir y Rheoliadau hyn) gallai person gael ei anafu wrth gwmpo ohono, hyd yn oed os yw ar lefel y ddaear, neu'n is.

6. Mae 'gwaith' yn cynnwys symud o gwmpas mewn gweithle (ac eithrio ar risiau mewn gweithle parhaol) ond nid yw'n cynnwys teithio i weithle, neu oddi yno. Er enghraifft, byddai cynorthwydd siop ar ysgol yn gweithio ar uchder, ond ni fyddem yn tueddu i gymhwyso'r Rheoliadau i heddwys yn marchogaeth ar batrôl.

### **Beth y mae Atodlenni'r Rheoliadau yn eu cwmpasu?**

7. Maent yn cwmpasu gofynion manwl ar gyfer:	Atodlen
gweithleoedd sy'n bodoli eisoes a dull mynediad ar gyfer gweithio ar uchder	1
atal cwmpo cyfunol (e.e. rheiliau gwarchod a byrddau troed)	2
llwyfannau gweithio	3
rhwystrau cyfunol rhag cwmpo (e.e. rhwydi, bagiau aer ac ati)	4
diogelwch personol rhag cwmpo (e.e. atalfeydd gwaith, lleoli gwaith, atal cwmpo a mynediad at raff)	5
ysgolion	6
adroddiadau arolygu (ar gyfer platfformau gwaith ym maes adeiladu yn unig)	7
diddymiadau	8

### **A yw'r rheolau'n berthnasol i chi?**

Rheoliadau 3 ac 14

8. Mae Rheoliadau Gweithio ar Uchder 2005 yn berthnasol i bob gwaith lle mae risg o gwmpo a allai achosi anaf personol. Maent yn rhoi dyletswyddau ar gyflogwyr, yr hunangyflogedig ac unrhyw berson sy'n rheoli gwaith eraill (e.e. rheolwyr cyfleusterau neu berchnogion adeiladau a allai gcontractio eraill i weithio ar uchder o ran y graddau y maent yn rheoli'r gwaith.

9. Nid yw'r Rheoliadau'n berthnasol i ddarparu cyfarwyddyd neu arweiniad â thal ym maes ogofâu neu ddringo fel chwaraeon, gweithgaredd hamdden, gweithgaredd tîm neu weithgareddau tebyg.

10. Os ydych yn gyflogai neu'n gweithio o dan reolaeth rhywun arall, mae rheoliad 14 yn dweud bod yn rhaid i chi:

- ddweud wrthynt am unrhyw berygl
- defnyddio'r offer a ddarparwyd (gan gynnwys dyfeisiau diogelwch yn gywir, gan ddilyn unrhyw hyfforddiant a chyfarwyddiadau (oni bai eich bod yn meddwl y byddai hynny yn annogel, ac os felly dylech geisio mwy o gyfarwyddiadau cyn parhau).

### **Achosion arbennig**

Rheoliadau 3, 15 ac 16 ac Atodlen 2

11. Mewn achosion penodol gall y rheoliadau fod yn berthnasol y tu hwnt i Brydain Fawr. (I gael manylion, gweler rheoliad 3(1).)

12. Mae rhai eithriadau ar gyfer llongau, gosodiadau ar y môr, a dociau. (Am fanylion gweler rheoliadau 3(4) - 3(6) ac 16.) Gall yr Ysgrifennydd Gwladol dros Amddiffyn eithrio pobl a sefydliadau sy'n gweithredu er budd diogelwch y wlad.

13. Gallwch ofyn i'r Awdurdod Gweithredol Iechyd a Diogelwch eithrio rhai pobl, eiddo, offer neu weithgareddau o rai o'r rheoliadau sy'n ymwneud â rheiliau gwarchod a phethau tebyg, ond bydd rhaid i chi ddangos nad oes risg i ddiogelwch unrhyw un. Am fanylion gweler rheoliad 15 ac Atodlen 2.)

## **Yr hyn y mae'n rhaid i chi ei wneud fel cyflogwr**

### **Egwyddor sylfaenol**

Rheoliad 6(3)

14 Mae'n rhaid i chi wneud popeth sy'n rhesymol ymarferol i atal unrhywun rhag cwmpo.

### **Hierarchaeth y Rheoliadau**

15 Mae'r Rheoliadau yn gosod hierarchaeth syml ar gyfer rheoli a dewis offer ar gyfer gweithio ar uchder.

### **Mae'n rhaid i ddeiliaid dyletswyddau:**

- osgoi gweithio ar uchder lle bo hynny'n bosibl
- defnyddio offer gwaith neu fesurau eraill i atal pobl rhag cwmpo pan na allant osgoi gweithio ar uchder;
- lle na ellir osgoi'r risg o gwmpo, defnyddio offer gwaith neu fesurau eraill i leihau'r uchder a goblygiadau'r gwmp, os bydd cwmp yn digwydd.

### **Cyfrifoldebau Deiliaid Dyletswydd**

16 Mae'r Rheoliadau yn gofyn bod deiliaid dyletswydd yn sicrhau:

- bod yr holl waith ar uchder yn cael ei gynllunio a'i drefnu'n gywir;
- bod yr holl waith ar uchder yn ystyried tywydd a allai beryglu iechyd a diogelwch;
- bod pobl sy'n gweithio ar uchder wedi'u hyfforddi a'u bod yn gymwys.
- bod lleoliad y gwaith ar uchder yn ddiogel;
- bod offer ar gyfer gweithio ar uchder yn cael ei archwilio'n briodol;
- y caiff risgiau yn sgîl arwynebau bregus eu rheoli'n gywir;
- y caiff risgiau yn sgîl gwrthrychau'n cwmpo eu rheoli'n gywir.

### **Cynllunio**

Rheoliadau 4 a 6 (1, 2)

17 Mae'n rhaid i chi:

- sicrhau na chaiff unrhyw waith ei wneud ar uchder os yw'n ddiogel ac yn rhesymol ymarferol ei wneud mewn ffordd arall;
- sicrhau y caiff y gwaith ei gynllunio'n gywir, ei oruchwylio'n gywir, a'i gynnal yn y ffordd fwyaf diogel ag sy'n rhesymol ymarferol;
- cynllunio ar gyfer achosion brys ac achub;
- ystyried yr asesiad risg a wnaed o dan reoliad 3 o Reoliadau Iechyd a Diogelwch yn y Gwaith.

### ***Tywydd***

Rheoliad 4 (3, 4)

18 Mae'n rhaid i chi sicrhau y caiff y gwaith ei ohirio pan fydd y tywydd yn peryglu iechyd neu ddiogelwch (ond nid yw hyn yn berthnasol i'r gwasanaethau brys yn ystod achos brys).

### ***Hyfforddi staff***

Rheoliadau 5 a 6(5)(b)

19. Mae'n rhaid i chi sicrhau bod pawb sy'n ymwneud â'r gwaith yn gymwys (neu, os yw'r person dan hyfforddiant, y caiff ei oruchwylio gan berson cymwys). Mae hyn yn cynnwys cyfrannu at drefnu, cynllunio, goruchwylio a chyflenwi a chynnal a chadw offer.

20. Lle nad yw rhagofalon eraill yn cael gwared ar y risg o gwympto'n gyfan gwbl, mae'n rhaid i chi hyfforddi (i'r graddau y mae'n rhesymol ymarferol i wneud hynny) y bobl a fydd yn gweithio ar uchder sut i osgoi cwympto, a sut i osgoi neu leihau anafiadu eu hunain os byddant yn cwympto.

### ***Lleoliad y gwaith***

Rheoliad 6(4)

21. Mae'n rhaid i chi sicrhau bod lleoliad y gwaith ar uchder (gan gynnwys y ffordd o gael mynediad i'r lleoliad) yn ddiogel a bod ganddo nodweddion i atal cwympto, oni bai fod hyn yn golygu nad yw'n rhesymol ymarferol i'r gweithiwr wneud y gwaith yn ddiogel (gan ystyried gofynion y dasg, yr offer a'r amgylchedd gweithio). Nodir gofynion diogelwch manwl ynglŷn â lle y caiff gwaith ar uchder ei wneud yn Atodlen 1.

### ***Offer, strwythurau dros dro a nodweddion diogelwch***

Rheoliadau 6(4)(b), 6(5)(a, b), 7, 8 a 12

22 Os byddwch yn dibynnu ar yr eithriad ym mharagraff 21 uchod, bydd yn rhaid i chi ddarparu offer ar gyfer atal cwympto (i'r graddau y mae hyn yn rhesymol ymarferol).

23 Os na fydd y rhagofalon ym mharagraffau 21 a 22 yn cael gwared ar y risg o gwympto yn gyfan gwbl, mae'n rhaid i chi wneud popeth sy'n rhesymol ymarferol i leihau pellter a difrifoldeb y gwympt.

24. Pan fyddwch yn dewis offer ar gyfer gweithio ar uchder, bydd yn rhaid i chi:

- Ddewis yr offer mwyaf priodol
- Rhoi mwy o flaenoriaeth i fesurau diogelu cyfunol (e.e. rheiliau gwarchod) na mesurau gwarchod personol (e.e. harneisiau diogelwch);
- Ystyried:
  - yr amodau gwaith
  - risgiau i ddiogelwch pawb sydd yn y lleoliad lle y caiff yr offer ei ddefnyddio.

25. Mae'n rhaid i chi sicrhau bod yr holl offer, strwythurau dros dro (e.e. sgaffaldiau) a nodweddion diogelwch yn cydymffurfio â gofynion manwl Atodlenni 2 hyd 6.

### **Archwiliadau**

Rheoliadau 12 a 13

26. Diffinnir 'Archwiliad' gan reoliad 12(10) fel 'archwiliad gweledol neu fwy manwl gan berson cymwys fel sy'n briodol at ddibenion diogelwch ... (gan gynnwys) unrhyw brofion sy'n briodol at y dibenion hynny'.

27. Mae'n rhaid i chi sicrhau (i'r graddau y mae'n rhesymol ymarferol) y caiff pob lleoliad unigol lle y caiff gwaith ar uchder ei wneud ei wirio ar bob achlysur cyn i'r lleoliad gael ei ddefnyddio. Mae hyn yn golygu gwirio'r arwyneb a phob parapet, rheilen ac ati.

28. Mae'n rhaid i chi sicrhau y caiff unrhyw eitem o'r math y sonnir amdani yn Atodlenni 2 hyd 6 ei archwilio:

- ar ôl ei rhoi at ei gilydd neu ei gosod (neu ar ôl ei rhoi at ei gilydd a'i gosod os oes angen gwneud y ddau), os yw ei diogelwch yn dibynnu ar sut y caiff ei rhoi at ei gilydd neu ei gosod;
- mor aml ag sy'n angenrheidiol i sicrhau diogelwch, ac yn enwedig i sicrhau y gellir canfod a chywiro unrhyw ddirywiad mewn da bryd.

29 Mae'n rhaid i chi sicrhau bod gan unrhyw offer a gawsoch gan fusnes arall neu unrhyw offer sy'n gadael eich busnes, arwydd (sy'n amlwg i bawb) bod yr archwiliad diwethaf sy'n ofynnol o dan y Rheoliadau hyn wedi'i gynnal, cyn i chi ei ddefnyddio.

*Nodyn: Nid yw hyn yn berthnasol i offer codi a reolir gan reoliad 9(4) Rheoliadau Offer Codi a Gweithrediadau Codi 1998, ond gan fod y rheol honno yn debyg i'r un hon nid oes llawer o wahaniaeth ymarferol.*

30 Mae'n rhaid i chi sicrhau y caiff unrhyw lwyfan a ddefnyddir ar gyfer gwaith adeiladu (neu fynediad i waith adeiladu) y gall person gwmpo mwy na 2m ohono, ei archwilio yn ei le cyn y caiff ei ddefnyddio (a dim mwy na saith niwrnod cyn y caiff ei ddefnyddio). Pan fydd yn blatfform symudol, mae archwiliad yn y lleoliad yn ddigonol heb orfod ei ail-archwilio bob tro y caiff ei symud.

*Nodiadau: Diffinnir 'gwaith adeiladu' yn fanwl yn rheoliad 2(1) Rheoliadau Adeiladu (Iechyd, Diogelwch a Lles) 1996 ond yn gyffredinol, mae'n golygu 'cynnal unrhyw waith adeiladu, peirianeg sifil neu waith adeiladu peirianeg'.*

*Rhoddir diffiniad bras o'r gair 'Llwyfan' yn rheoliad 2, ac mae'n cynnwys ardaloedd megis grisffyrdd a phontydd.*

31 Mae'n rhaid i chi sicrhau bod y person sy'n archwilio llwyfan (fel sy'n ofynnol ym mharagraff 30):

- yn paratoi adroddiad cyn mynd oddi ar ddyletswydd, gan nodi'r manylion a restrir yn Atodlen 7;

- yn rhoi'r adroddiad (neu gopi ohono), o fewn 24 awr o gwblhau'r archwiliad, i'r person y gwnaed yr adroddiad ar ei gyfer (e.e. chi neu'ch rheolwr safle).

32 Mae'n rhaid i chi gadw adroddiad archwiliad llwyfan a wnaed yn unol â'r cyfarwyddiadau a roddwyd ym mharagraffau 30 a 31:

- ar y safle adeiladu nes y caiff y gwaith ei gwblhau;
- yna, yn un o'ch swyddfeydd am dri mis arall.

33 Mae 'cadw' adroddiad yn golygu ei gadw (neu gadw copi) yn ddiogel rhag cael ei golli a rhag ymyrraeth heb awdurdod, fel y gellir darparu copi caled pan fydd angen.

34 Mae'n rhaid i chi gadw pob cofnod arall o'r archwiliad nes i'r archwiliad nesaf gael ei gynnal.

35 Nid yw paragraffau 31 i 33 yn berthnasol i offer codi a reolir gan reolau tebyg yn rhinwedd rheoliadau 9 a 10 o Reoliadau Offer Codi a Gweithrediadau Codi 1998.

### **Arwynebau bregus**

Rheoliad 9

36 Mae'n rhaid i chi sicrhau nad oes neb sy'n gweithio o dan eich rheolaeth chi yn mynd ar, neu'n agos at, arwynebau bregus oni bai mai dyma'r unig ffordd resymol-ymarferol i'r gweithiwr wneud y gwaith yn ddiogel, gan ystyried gofynion y dasg, yr offer neu'r amgylchedd gweithio.

37 Os bydd unrhyw un yn gweithio ar, neu'n agos at, arwynebau bregus, mae'n rhaid i chi:

- sicrhau (i'r graddau y mae'n rhesymol ymarferol) bod llwyfannau, gorchuddion, rheiliau gwarchod, a phethau tebyg addas yn cael eu darparu (a'u defnyddio) i leihau'r risg;
- gwneud popeth sy'n rhesymol ymarferol, os bydd risg o gwmpo o hyd, i leihau pellter ac effaith cwmpo.

38 Os gallai unrhyw un a fydd yn gweithio o dan eich rheolaeth fynd ar, neu'n agos at, arwynebedd bregus, mae'n rhaid i chi wneud popeth sy'n rhesymol ymarferol i'w gwneud yn ymwybodol o'r perygl, os yn bosibl drwy hysbysiadau rhybuddio amlwg parhaol ger yr ardal beryglus.

### **Gwrthrychau'n cwmpo**

Rheoliadau 10 ac 11

39 Lle bo hynny'n angenrheidiol er mwyn atal anaf, mae'n rhaid i chi wneud popeth sy'n rhesymol ymarferol i atal unrhyw beth rhag cwmpo.

40 Os nad yw'n rhesymol ymarferol, mae'n rhaid i chi sicrhau na chaiff unrhyw un ei anafu gan bethau'n cwmpo.

41 Mae'n rhaid i chi sicrhau na chaiff dim byd:

- ei daflu neu ei arllwys o uchder os yw'n debygol o anafu unrhyw un;
- ei storio mewn ffordd sy'n golygu y gallai ei symud anafu rhywun.

42 Os yw'r gweithle'n cynnwys ardal lle mae risg y bydd rhywun yn cael ei daro gan wrthrych neu berson yn cwmpo, mae'n rhaid i chi sicrhau y caiff yr ardal ei dynodi'n amlwg ac nad yw pobl heb awdurdod yn gallu mynd yno (i'r graddau y mae'n rhesymol ymarferol).

## **Darllen Pellach**

Os nad ydych yn siŵr am rywbeth, cysylltwch â'ch swyddfa HSE leol (mae'r cyfeiriad yn y llyfr ffôn). Gall y staff yno eich cyfeirio at yr archwilydd addas neu swyddog iechyd yr amgylcheddol eich awdurdod lleol.

## **Deddfwriaeth**

*Rheoliadau Gweithio ar Uchder 2005* SI2005/735 Y Llyfrfa 2005 (Ar gael ar-lein yn [www.hmso.gov.uk/si/si20050735.htm](http://www.hmso.gov.uk/si/si20050735.htm))

*Rheoliadau Rheoli Iechyd a Diogelwch yn y Gwaith 1999* SI 1999/3242 Y Llyfrfa 1999 ISBN 0 11 085625 2

*Rheoliadau Offer Codi a Gweithrediadau Codi 1998* SI 1998/2307 Y Llyfrfa 1998 ISBN 0 11 079598 9

*Rheoliadau Adeiladu (Iechyd, Diogelwch a Lles) 1996* SI 1996/1592 Y Llyfrfa 1996 ISBN 0 11 035904 6

## **Gwefan ddefnyddiol**

Gwefan yr HSE am gwmpo o uchder: [www.hse.gov.uk/falls](http://www.hse.gov.uk/falls)

## **Gwybodaeth bellach**

Mae cyhoeddiadau'r HSE ar gael ar werth ac am ddim drwy'r post o HSE Books, PO Box 1999, Sudbury, Suffolk C010 2WA  
Ffôn 01787 881165 Ffacs: 01787 313995

Gwefan: [www.hsebooks.co.uk](http://www.hsebooks.co.uk) (mae cyhoeddiadau'r HSE ar werth o siopau llyfrau hefyd, a gellir lawrlwytho taflenni am ddim o wefan yr HSE: [www.hse.gov.uk](http://www.hse.gov.uk))

I gael gwybodaeth am iechyd a diogelwch, ffoniwch llinell wybodaeth HSE

Ffôn: 0845 345 0055 Ffacs: 0845 408 9566

e-bost: [hseinformationservices@natbrit.com](mailto:hseinformationservices@natbrit.com) neu ysgrifennwch at Gwasanaethau Gwybodaeth HSE, Parc Busnes Caerffili, Caerffili CF83 3GG.

Mae cyhoeddiadau Y Llyfrfa ar gael o The Stationery Office, PO Box 29, Norwich NR3 1GN

Ffôn: 0870 600 5522 Ffacs: 0870 600 5533

e-bost: [customer-services@tso.co.uk](mailto:customer-services@tso.co.uk) Gwefan: [www.tso.co.uk](http://www.tso.co.uk)  
(Maent hefyd ar gael o siopau llyfrau.)

Cyhoeddir y canllawiau hyn gan yr Awdurdod Gweithredol Iechyd a Diogelwch. Nid oes rhaid dilyn y canllawiau, ac mae rhyddid gennych i weithredu fel arall. Ond os byddwch yn dilyn y canllawiau, byddwch fel arfer yn gwneud digon i gydymffurfio â'r gyfraith. Mae arolygwyr iechyd a diogelwch yn ceisio sicrhau cydymffurfiaeth â'r gyfraith a gallant gyfeirio at y canllawiau hyn fel enghraifft o arfer da.

Mae'r daflen hon ar werth mewn pecynnau o 10 o HSE Books, ISBN 0 7176 2976 7. Mae copïau sengl am ddim hefyd ar gael o HSE Books.

(h) *Hawlfraint y Goron* Gellir atgynhyrchu'r cyhoeddiad hwn am ddim, ac eithrio at ddibenion hysbysebu, ardystio neu fasnachol. Cyhoeddwyd gyntaf 04/05. Cydnabyddwch yr HSE fel y ffynhonnell.